



REPUBLIKA E SHQIPËRISË
BASHKIA LEZHË

DREJTORIA E
PROJEKTEVE STRATEGJIKE,
EVROPËS, MIGRACIONIT, DIASPORES,
KOMUNIKIMIT DHE TRANSPARENCËS

Nr. 12873 Prot.

Lezhë, më 21/07/2025

Lënda: Hapje e Thirrjes Publike për zgjedhjen e një përfaqësuesi të Organizatës së Shoqërisë Civile (OSHC-ve) në Komisionin e Vlerësimit, në kuadër të Thirrjes së Shtatë, ReLOaD 2.

ORGANIZATAVE TË SHOQËRISË CIVILE (OSHC)

Bashkia e Lezhës ka hapur Thirrjen për të zgjedhur e një përfaqësuesi të Organizatave të Shoqërisë Civile (OSHC-ve) në Komisionin e Vlerësimit, të aplikimeve për Thirrjen e hapur Publike të Organizatave të Shoqërisë Civile (OSHC) përmes Metodologjisë LOD/ Programi ReLOaD.

Qëllimi i përgjithshëm i programit ReLOaD është që të fuqizojë demokracinë pjesëmarrëse dhe procesin e integritetit në BE në Ballkanin Perëndimor, duke mbështetur shoqërinë civile që të jetë pjesë e proceseve të vendimmarrjes si dhe duke stimuluar dhe krijuar një mjedis ligjor dhe financiar inkurajues për të.

Disa nga rezultatet që projekti ReLOaD 2 do të arrijë janë:

- Bashkitë do të përdorin modele transparente dhe të bazuara në projekte konkrete për financimin e OSHC-ve;
- OSHC-të do të ofrojnë shërbime të cilat adresojnë nevojat e qytetarëve në bashkitë partnere dhe janë në zbatim të planeve dhe strategjive lokale për zhvillim;
- Kapacitete të fuqizuara të OSHC-ve dhe njësisive të pushtetit vendor për të zbatuar skemat e grantit dhe ofruar projekte cilësore;
- Përmirësimi i bashkëpunimit rajonal, dialogut, ndarjes së praktikave ndërmjet njësisive të pushtetit vendor dhe OSHC-ve në Ballkanin Perëndimor.
- Ngritja e kapaciteteve të shoqatave sportive, për të zbatuar skemat e grantit dhe ofruar projekte cilësore;
- Vënie në funksionim ose mbështetje e strukturave për veprimtari ose ngjarje sportive aktive; mbështetje për ekipet përfaqësuese vendore në veprimtaritë sportive.
- Grante, hua ose financime për të mbështetur ekipe konkurruese.

Prioritetet e Bashkisë Lezhë si më poshtë vijojnë:

1. Shtimi i shanseve integruese dhe rritja e kujdesit social dhe shëndetësor për të moshurit.



2. Fuqizim ekonomik për viktimat e Dhunës në Familje;
3. Rigjallërimi i jetës sociale dhe kulturore në zonat rurale, nëpërmjet organizimit të festave lokale.
4. Jetëzimi i shkollave si qendra komunitare duke i pasuruar me aktivitete sportive në zonat urbane dhe rurale.
5. Përfshirja e teknologjisë dhe inovacionit në promovimin e Lezhës dhe resurseve të saj.
6. Promovimi dhe nxitja e ndërgjegjësimit ndaj çështjeve të sigurisë, duke përfshirë edhe sigurinë kibernetike.
7. Krijimi i programeve edukative për të rinjtë që promovojnë trasgëgiminë kulturore dhe artin.
8. Bashkëpunimi me shkollat lokale për të integruar aktivitetet kulturore në kurrikulën shkollore.
9. Rritja e ndërgjegjësimit të komunitetit të Lezhë mbi ndarjen dhe menaxhimin e mbetjeve në burim.
10. Rritja e kapaciteteve të të rinjve për pjesëmarrje aktive dhe përfitim nga programet që ofron Bashkimi Evropian

Pjesëmarrja në këtë thirrje publike është e hapur, në baza të barabarta, për të gjitha OShC-të e regjistruara zyrtarisht (shoqata/organizata apo fondacion) në përputhje me ligjet dhe rregulloret e në fuqi në Shqipëri. Përfaqësuesi i OSHC-së në Komisionin e Vlerësimit do të ketë këto detyra dhe përgjegjësi:

- 1) Përfaqësuesi i OSHC-ve do të jetë anëtar i Komisionit të Vlerësimit me të drejtë vote dhe do të kryejë vlerësim në përputhje me Metodologjinë LOD;
- 2) Përfaqësuesi i OSHC-ve duhet të marrë pjesë në Komisionin e Vlerësimit nga fillimi deri në fund të procesit;
- 3) Përfaqësuesi i OSHC-ve do të nënshkruajë një deklaratë konfidencialiteti dhe paanshmërie;
- 4) Përfaqësuesi i OSHC-ve do të nënshkruajë bashkërisht me anëtarët e tjerë raportin e Komisionit të Vlerësimit dhe do të konfirmojë gjetjet e dalura nga procesi si dhe do të japë komente shtesë lidhur me punën e Komisionit të Vlerësimit, nëse dhe kur është e nevojshme.

Të interesuarit për të qenë pjesë e Komisionit të Vlerësimit duhet të jenë anëtarë dhe/ose punonjës me orar të plotë të OSHC-ve të themeluara/regjistruara në Shqipëri dhe duhet të plotësojnë kriteret e mëposhtme:

- 1) Përvojë dhe aftësi të mëparshme në kryerjen e një vlerësimi të paanshëm, të drejtë dhe transparent të projekt propozimeve të OShC-ve. Përvoja me skemat e dhënies së granteve të BE-së do të konsiderohet si përparësi;
- 2) Përvojë në përgatitjen dhe/ose zbatimin e projekteve të financuara nga fondet publike, sidomos në nivel vendor;
- 3) Njohja e bazës ligjore, dokumenteve strategjike, politikave dhe metodologjive në fushën e dhënies së fondeve publike për OSHC-të;
- 4) Njohja e parimeve të Ciklit të Menaxhimit të Projekteve (PCM);
- 5) Njohja e gjuhës angleze përbën avantazh.



Kandidatët duhet të dorëzojnë dokumentet në vijim në adresën si më poshtë:
projektet.strategjike@lezha.gov.al

- 1) CV (duke specifikuar përvojën e mëparshme në fushat e sipërcituara);
- 2) **Letër Motivimi** (duke shprehur interesin për pjesëmarrje në Komisionin e Vlerësimit, si dhe konfirmimin e disponueshmërisë për procesin e vlerësimit;
- 3) **Deklaratë nga përfaqësuesi ligjor i OSHC-së** që autorizon kandidatin për të përfaqësuar OSHC-në përkatëse në Komisionin e Vlerësimit.

Përfaqësuesi i OSHC-së duhet të jetë i gatshëm të punoj pa pagesë. Përfaqësuesi i OSHC-së duhet të jetë i disponueshëm për angazhimin në Komisionin e Vlerësimit (dy ose tre ditë) gjatë periudhës së vlerësimit të projekteve.

OSHC-të nga e cila kandidati i përzgjedhur për Komisionin e Vlerësimit është anëtar dhe/ose punonjës NUK do ketë të drejtë të aplikojnë (as si aplikues kryesor, as si OSHC partnere) në thirrjet publike për dorëzimin e projekt propozimeve të OSHC-ve.

Afati i fundit për dorëzimin e aplikimit është data 08/08/2025.

Për informacion të mëtejshëm, ju lutemi mos hezitoni të kontaktoni në adresën:
projektet.strategjike@lezha.gov.al

Duke ju falenderuar për mirëkuptimin,

KRYETARI
Pjerin Ndreu

NË MUNGESË DHE ME URDHËR
SEKRETARI I PËRGJITHSHËM

Reinis Cela

